

7.1. Tehnički podaci

7.1.1. Jahorina

	Spust	Veleslalom	Slalom
Start	1.872 m	1.665 m	1.840 m ✓
Cilj	1.325 m	1.328 m	1.660 m ✓
Visinska razlika	547 m	337 m	180 m
Dužina	1.965 m	1.332 m	551 m
Prosječan nagib	29%	28%	35%
Najveći nagib	56%	50%	49%
Najmanji nagib	9%	12%	9%

Staze za spust i veleslalom za žene imaju zajednički ciljni prostor.

(Vidi crteže u prilogu)

7.1.2. Bjelašnica

	Spust	Veleslalom	Slalom
Start	2.076 m	1.745 m	1.563 m
Cilj	1.273 m	1.363 m	1.363 m
Visinska razlika	803 m	382 m	200 m
Dužina	3.070 m	1.122 m	553 m
Prosječan nagib	28%	36%	40%
Najveći nagib	60%	60%	60%
Najmanji nagib	5%	6%	22%

Staze za veleslalom i slalom za muškarce imaju zajednički ciljni prostor.

(Vidi crteže u prilogu).

8. Kongres

U vrijeme XIV ZOI u Sarajevu neće se održati kongres FIS.

9. Odobrenje brošure

- 9.1. Ova Pravila i uslove takmičenja u alpskim disciplinama odobrila je FIS 5. novembra 1982.
- 9.2. Cjelokupan sadržaj tehničke brošure odobrio je MOK 16. maja 1983. godine.

Jahorina

Alpsko smučanje – žene

Istočno od Sarajeva, 34 km od centra grada, nalazi se prostrani masiv Jahorine, koji pripada reljefu visokih planina Dinarskog sistema. Sa ograncima ovaj masiv je dug oko 30 kilometara, a širok i do 5 kilometara. Sam centralni dio Jahorine prostire se na dužini od 15 kilometara. Planinska površina iznad 1600 m n/m pokrivena je bujnim pašnjacima dok je ostali, niži, pretežno sjeverni dio pod šumom.

Kao i na drugim višim planinama oko Sarajeva, snježne padavine počinju na Jahorini već u novembru, a snježni pokrivač, koji se zadržava do kraja maja, postiže u zonama iznad 1300 metara prosječnu debljinu između 150-200 cm. U januaru i februaru temperatura se kreće u prosjeku od -2,8 do -6,8°C.

Na centralnom dijelu sjeverno orijentiranih padina Jahorine izgrađene su olimpijske takmičarske staze, čija ukupna dužina iznosi oko 25 km. Na posebno obrađenim površinama takmičarima i smučarima-turistima stoje na raspoloženju tri jednosjedežnice, dvije dvosjedežnice i četiri ski-lifta.

Pravcima preko Pala i Trebevića, dvije savremene saobraćajnice povezuju staze na Jahorini sa Sarajevom i ostalim borilištima XIV ZOI.

Sa hotelskim kapacitetima od oko 650 ležaja, vikend naseljima s udobnim smještajem, žičarama i ski-liftovima, modernim saobraćajnicama i parking prostorima, Jahorina dobiva obilježje svestranog i savremenog zimsko-sportskog centra.